



**UDRUŽENJE GRAĐANA ZA POVRAT STARE
DEVIZNE ŠTEDNJE U BiH i DIJASPORI**

RAIFFEISEN BANKA
ž.r. 1610450036820073
e-mail: nnisic@spinter.net
www.starastednjabh.org

Sjedište: Banja Luka 78000
I. G. Kovačića 139b
tel. 051/380-738
fax. 051/381-374

UPRAVNI ODBOR

Broj: 1456/08

Banja Luka, 15.11.2008.

**PARLAMENTARNA SKUPŠTINA SAVJETA EVROPE
STRAZBUR**

Tarry Davis, generalni sekretar Vijeća Evrope

Thomas Hamerberger, komesar za ljudska prava pri Vijeću Evrope

PREDMET: Podrška vansudskom rješavanju pitanja stare devizne štednje

Poštovana gospodo,

Podsjećamo Vas da je Udruženje građana za povrat stare devizne štednje u BiH i dijaspori osnovano radi zastupanja interesa svojih članova kao i svih građana Bosne i Hercegovine koji su svoj novac, oko milijardu i pol evra, prije ratnih dešavanja položili na štednju u neku od banaka koje su poslovale na prostoru Bosne i Hercegovine sa jednim jedinim ciljem: isplata stare devizne štednje građanima BiH u što kraćem roku nezavisno od toga u kojoj su banci ostavili svoje devize i gdje sada žive.

Udruženje građana za povrat stare devizne štednje u BiH i dijaspori ima najveći broj članova od svih udruženja u Bosni i Hercegovini. Radi se o istinski multietničkom udruženju sa više desetina hiljada članova, građana Bosne i Hercegovine, pripadnika svih konstitutivnih naroda i nacionalnih manjina. Udruženje djeluje putem svojih kancelarija, ureda – podružnica na teritoriji cijele Bosne i Hercegovine, a ima za potrebe dijaspore predstavništva i u inostranstvu (Njemačka, Srbija, Austrija, Francuska, Švajcarska, Švedska). Udruženje je upisano u Registar udruženja koji se vodi kod Ministarstva pravde Bosne i Hercegovine 2004. godine.

Mi u Udruženju smo svjesni i sigurni u to da više nema dilema o tome da je stara devizna štednja imovina zaštićena Ustavom BiH i Evropskom konvencijom za zaštitu ljudskih prava i osnovnih sloboda i njenim protokolima i da se moraju

krivično goniti svi koji su pokrali – opljačkali staru deviznu štednju i svi oni koji se na njoj i danas bogate.

Znamo da je Kopenhagenskim kriterijimuma Evropska unija utvrdila standarde koje u pogledu poštivanja ljudskih prava moraju ispunjavati sve zemlje kandidati za članstvo, a na našem primjeru je, na žalost, očito da Bosna i Hercegovina, ali isto tako i Republika Slovenija, kao i Republika Srbija prema građanima Bosne i Hercegovine, krše ljudska prava utvrđena Evropskom konvencijom o zaštiti ljudskih prava i osnovnih sloboda i njenim Protokolima koje se direktno primjenjuju u Bosni i Hercegovini.

Ovom prilikom želimo ukazati na potpuno jasno opredjeljenje svih članova Udruženja građana za povrat stare devizne štednje u BiH i dijaspori da podržavaju, istinski žele i prihvataju svaku pravičnu naknadu koja se ostvari u vansudskom postupku. Uvijek smo, a i ovom prilikom ističemo, bili za racionalna pravična i obostrano prihvatljiva rješenja do kojih se dođe medijacijom ili bilo kojim drugim postupkom koji neće dugo trajati i puno koštati, koji je ekonomičan.

Nama je apsolutno prihvatljivo formiranje **Kolektivnog fonda** pod okriljem Savjeta Evrope. Prihvatljivo nam je, a bilo bi i pravično da u fond sredstva za namirenje potraživanja štediša, po posebnom sporazumu, ulože države nastale na području ex Jugoslavije srazmjerno njihovim obavezama. Ubijedeni smo da bi Evropska Uunija podržala ovakav pristup rješavanja problema.

Poštovana gospodo,

Zbog svega navedenoga mi iz Udruženja građana za povrat stare devizne štednje u BiH i dijaspori obavještavamo Vas da u slučaju formiranja Kolektivnog fonda za izmirenje obaveza prema vlasnicima stare devizne štednje možete računati na našu podršku, a sve dok rješavanje našeg problema putem fonda ne bude izvjesno, mi smo prisiljeni da nastavimo sa vođenjem sudskih postupaka pred Evropskim sudom za zaštitu ljudskih prava, jer su do sada svi pokušaji u BiH za pravično rješenje našeg problema propali.

S poštovanjem,

Za Upravni odbor
PREDsjednik
Svetozar Nišić



Dostavljeno:

1. Vijeću ministara BiH;
2. Parlamentarnoj skupštini BiH;
3. Vladi Federacije BiH i Vladi RS;
4. OHR-u i
5. Medijima